

鳥揖西郡小神村金剛山村下芥原村地唐荷島加東郡河高村印南郡神瓜村生石村明石郡和坂村
多可郡住出原村神西郡森垣村仁豐野村完栗郡土万村

〔播磨風土記 賀古郡〕昔大帶日子命○景行中略遂到赤石郡厮御井供進御食故曰厮御井爾時印南別嬭

聞驚畏之即遁度於南毘都麻島○中略天皇知在於此小島即欲度到阿閉津供進御食故號阿閉村○中略

還到迎印南六繼村始成密事故曰六繼村勅云此處浪響鳥聲甚譁南遷於高宮故曰高宮村是時

造酒殿之處即號酒屋村造贊殿之處即號贊田村造宮之處即號館村

〔播磨風土記 印南郡〕益氣里土中上所以號宅者大帶日子命○景行造御宅於此村故曰宅村

〔播磨風土記 飾磨郡〕伊和里○中略一云韓人等始來之時不識用鎌但以手蒬稻故云手蒬村○中略

巨智里○中略所以云草上者韓人山村等上祖柞臣智賀那請此地而墾田之時有一聚草其根尤臭

故號草上○中略

安相里○中略所以號長畝川者此川生蒔于時賀毛郡長畝村々人到來蒬蒔爾時此處石作連等爲奪

相鬪仍殺其人即捉棄於此川故號長畝川○中略

枚野里○新羅訓村所以號新良訓者昔新羅國人來朝之時宿於此村故號新羅訓○山名亦同中略

小川里○中略所以稱高瀨者品太天皇○應神登於夢前丘而望見者北方有白色物云彼何物乎即遣舍

人上野國麻奈毘古令察之申云自高處流落水是也即號高瀨村所以號豐國者筑紫豐國之神在於

此處故號豐國村○中略

英保里土中上右稱英保者伊豫國英保村人到來居於此處故號英保村

〔播磨風土記 揖保郡〕佐々村品太天皇○應神巡行之時猿嚙竹葉而遇之故曰佐々村阿笠村伊和大神

巡行之時告其心中熱而控絕衣紐故號阿笠一云昔天有二星落於地化爲石於此人衆集來談論故

名阿笠○中略